



## Sumbang RM48,000 kepada 50 keluarga

**GIANT** Malaysia, rangkaian pasar raya runcit, menerusi Yayasan MyKasih (MyKasih Foundation) menyumbang sebanyak RM48,000 kepada 50 keluarga yang memerlukan di Perlis bagi menampung perbelanjaan makanan harian mereka selama setahun.

Dalam satu kenyataan, Giant berkata, keluarga tersebut diberi dana sebanyak RM80 setiap bulan dan mereka boleh membuat pembelian barangan keperluan harian di rangkaian pasaraya Giant terpilih.

"Mereka terpilih di bawah program bantuan makanan sempena pembukaan cawangan baharu Giant di Kangar, baru-baru ini," katanya.

Sejak 2013, Giant berkata, Yayasan MyKasih menyumbang lebih RM1 juta bagi memberi peluang pendidikan dan kehidupan harian yang lebih baik kepada segelintir masyarakat yang memerlukan.

"Inisiatif tanggungjawab sosial korporat (CSR) 'Giant Love My Community' menjurus kepada pembangunan masyarakat dan ekonomi setempat, termasuk di Sabah dan Sarawak. Antara program-program lain yang telah dijalankan bersama Yayasan MyKasih termasuk Program Bantuan Biasiswa di 20 buah sekolah," katanya.

Dalam pada itu, pembukaan Giant Kangar sebagai peruncit pukal memberi peluang kepada pengusaha kecil tempatan untuk memasarkan produk keluaran mereka.